

# Istorgia e muntada dals nums

Terra Grischuna cun  
invista en blers nums da noss chantun

■ (anr/gc) **La Terra Grischuna cumpara dapi Bumaun en nova cumparsa che plascha – era tenor resuns a la redacziun – fitg bain. Ella sa preschenta davairs oraifer era nà dal cuntegn – questa giada cun ina tematica interessanta.** La novissima ediziun è numnadain deditgada als nums sut ils aspects da lur derivanza, derasaziun, significaziun e muntada tar nus. Quai sa fa – tenor la redacziun – prest segund il proverb: Di a mai co ti has num ed jau di a tai tgi che ti es, pia segund nomen est omen.»

## Ord diversas opticas

L'emprima contribuziun mussa co ils nums dals lieus grischuns èn sa midads en il decurs dal temp. Uschia hai p. ex. dà ord Igels Degen ed ord Schweiningen Savognin (local: Suagnign). En il Grischun èn prenums il resultat d'ina maschaida da nums latins, germans e biblics e cun ina gronda cumpart da nums da famiglia ch'entschaivan cun C. Interessant èsi dad intervegnir dalonder ch'ils pizs han lur nums. Era pader Placi a Spescha è sa dà fadia da numnar e descriver els. Ils nums da funs avevan la muntada per ch'ils purs possian s'orientar. Savens han els era servì per il regainvel da las ditgas.

Nundumbraivels nums rumantschs datti er en la region da la Retoromania submersa. I sa tracta da tals en lieus nua ch'il rumantsch è svanì gia daditg – sco en la Surselva da Son Gagl, en il Principadi da Liechtenstein ed en il Vorarlberg. In zunt infurmativ chapitel è quel che mussa co la bibla va enturn creativamain cun nums rumantschs e declera lur muntada giudaica-cristiana. Menziunà vegn era che locomotivas da la Viafier retica – sco era vehichels – hajan survegnì nums.

## Meritaivels Rumantschs

La pagina rumantscha fa menziun dal centenari da Tista Murk – el avess ils 15 d.q. 100 onns – ed è stà in fitg activ e creativ um da cultura (teater, fundatur

d'uniuns culturalas e sur tut meritaivel pionier da Radio e Televisiun Rumantscha). – Sco pionier da la musica rumantscha vegn Gion Antoni Derungs, che avess il settember vegnent 80 onns – preschentà. El ha intermedià in'atgna cultura da musica, creond operas, sinfonias, musica cameristica e tala per chors ed orgla. En tut ha el cumponì – sper sia istruzziun al seminari da scolasts ed esser organist da la catedrala a Cuira – pli che 400 ovras. Dapi dus onns è sia consorta, *Susi Derungs*, vi da l'inventarisaziun da sia ovra.

## Purschida multifaria

La purschida da la nova Terra Grischuna è bler pi vasta che quai che la pitschna cumpilaziun sura lascha percorscher. Pervia dal publitgà e bainillustrada è la Terra Grischuna puspè sa cumprovada sco ina revista da voluminus e substanzius cuntegn. Quel enserra tant aspects dal passà sco dal preschent ed è per saldo in'excellenta infurmaziun ed era reclama per il Grischun.



Frontispizi da la nova Terra Grischuna. MAD